



Dodis laureâts argjentins e brasilians a partecipin a Udin al cors di perfezionament par dissidents di emigrants furlans in Sudameriche dedicât ai valôrs identitaris, ae inovazion e ae imprenditorialitât.

Identitât che e vierç lis puartis dal mont

Identitât, imprenditorialitât, talian, furlan, internet. A son i temis clâf de cuarte edizion dal cors di perfezionament "Valôrs identitaris e imprenditorialitât" dreçât a 12 laureâts tra i 23 e i 35 agns, dissidents di emigrants furlans in Sudameriche, screât ae fin di Jugn tal ateneu di Udin. Fin de iniziative formative al è chel di favorì e consolidâ l'impuls identitari, disvilupant une culture vierte ae inovazion, ae lenghe taliane e furlane par "costrul" un patrimoni di cognossincis di podê invist^u une volte tornâts intal Pais di divignince.

Ae viertidure uficiâl des ativitâts, organizadis de Universitât in colaborazion cul Ent Friûl intal Mont, a jerin presints i corsisej selezionâts, 9 argjentins e 3 brasilians. A son i argjentins Melisa Gisel Armandò, Sofia Anabela Basso, Marcos Ezequel Bertini, Alfonso Abel Brollo, Josè Bortolotti, Marcos David Forgiarini, Carla Palmano, Lelia Paulin, Maria Victoria Reyna e i brasilians Cristiane Fracari Bosi, Everton Filippetto Dall'Asta e Carla Angelica Londero Lazzari.

La retore Cristiana Compagno, che i è stât dedicât in maniere simboliche il cors che e à sostignût fin de sò nassite, al à dât il benvignût a non di dute la comunitât universitarie ai 12 corsisej. Sclarint cemût che cheste iniziative e eviden-

zie lis azions e la strategie di internazionalizazion dal Ateneu, il retôr al à sotlineât "la unicitât de iniziative formative che e ponte ae riscuverte e ae valorizazion dai valôrs identitaris de culture di orijin dai partecipants, in graciis di contignûts e modalitât inovatîfs de didattiche unîts a un leam strent cul teritori e la sò imprenditorialitât inovative, cui tirocinis aziendâi".

Giovanni Torrenti, assessôr regjonâl ae Istruzion, Universitât e Ricerche, al à incoragjât i corsisej a "capî e aprofondî il model culturâl e imprenditoriâl de lôr tiere di orijin, fasint si che il Friûl al deventi par lôr un pont di riferiment permanent, anje inte vite di vore in plui che inte esperience studentesce".

Il president dal Ent Friûl intal Mont Pietro Pittaro al à dit che "in graciis di chest cors Universitât e Ent Friûl intal Mont a pontin a mantignî salts i rapuarts dal Friûl bande i furlans di seconde, tierce e cuarte gjenerazion, ma anje a vierzi pussibilitât par futûrs rapuarts culturâi e economic mutuâi".

Il benvignût de citât di Udin al è stât dât dal sindic Furi Honsell, che al à incitât i corsisej a jessi "citadins dal mont, gracie anje al contribût fondamental dât dai emigrants furlans a creâ la identitât stesce dal Friûl, fate soreddut di inovazion e professionalitât".

"La cualitât dal cors – a sclarissin Raffaella Bombi e Vincenzo Orioles, la direttore dal cors e il responsabil udinês dal

projet di ricerche nazionâl Furb che al à dât vite ae iniziative – , garantide dai docents e studîos che a insegnin tal Ateneu avalintsi des gnovis tecnologiis pe formazion a distance, al permet une didattiche interative, plene e reâl".

Ae cerimonie di scree a an partecipât anje il diretôr de Associazion piçulis e mediis industriis di Udin Lucia Pio; il diretôr Assocoop Udin Flavio Sialino; il diretôr dal Servizi dal dirit al studi de Erdisu di Udin Aldo Roberto Mazzi; il president de Societât filologjiche furlane Federico Vicario; il diretôr de Agenzie Turisim FVJ Edi Sommariva; il coordenadôr regjonâl de Academie taliane de cusine Renzo Mattioni e i sindics dai pais furlans di divignince dai corsisej.